

Script of Morning Gojri News Bulletin 04 August 2024 at 1015Hrs

ما رنینگ گو جری نیو ز بلیٹن مو رخہ 04 اگست 2024

یوہ آکا شوانی جموں ہے محمد امین انجم تیں خبر سُنو۔

PM Agriculture

وزیر اعظم نریندرمو دی نے یقین دوايو ہے جے سرکا رذری سیکنڈ نانہہ اصلاحات غی مدد نال مضبوط کر رہی ہے۔ جس غو مقصد کساناں غی زندگیں بہتر بنانو ہے۔ کل نویں دہلی مانہہ ذراعت با رے ماہر معاشیات غی 32 ویں بین القوامی کا نفرنس سنگ خطاب کرتاں واں اُنہاں نے کہیو جے ذراعت سرکا ر غی معاشی پالیسی غو مرکز ہے۔ وزیر اعظم مو دی نے کہیو جے بھارت اضافی خوراک آلو مُلک ہے۔ جھپڑو عالمی خوراک تحفظ تے عالمی تحفظ غو حل کڈے۔ اُنہاں نے کہیو جے بھارت باجرو، دودھ، دال تے مسالہ پیدا کرن آلو سب تیں بڑو مُلک ہے۔ وزیر اعظم نے کہیو جے بھارت کیمیا تیں آزاد قدرتی کھیتی نانہہ باہدو دے ربیو ہے۔ تے مرکزی بجٹ 25/2024 مانہہ پا ئیدار کھیتی ور بڑو دھیان دتو گیو ہے۔ اُنہاں نے کہیو جے بھارت ذری سیکنڈ مانہہ ڈیجیٹل ٹیکنالوجی غو استعمال کر ربیو ہے۔ اور پی ایم کسان سمان یدھی غے تحت 10 کروڑ کساناں گا کھاتاں مانہہ 1 کلیک غی مدد نال روپیہ منتقل کیا جارہیا ہے۔ قابل ذکر ہے جے ذراعت گا ماہر معاشیات با رے بین القوامی کا نفرنس مانہہ تقریباً 75 مُلکاں گا لگ بھگ 1 ہزار نمائندہ حصو لے ربیا ہیں۔ اس سال واسطے کانفرنس غو موضوع ہے ”پا ئیدار ذری خوراک نظاماں آلے پا سے تبدیلی“۔

Election Transfers

چناوی کاروائی غی سالمیت یقینی بنان غیخاطر بھارتی چناؤ کمیشن نے آتا اسمبلی چناواں غے مد نظر جموں کشمیر تے دوجی چناؤ آلی ریا ستاں مانہہ افسراں غی تبدیلی واسطے ہدایت جا ری کیں ہیں۔ اس سلسلہ مانہہ جموں کشمیر غا تمام انتظامیہ نے تمام انتظامیہ سیکریٹریاں نانہہ ہدایت کی ہے جے ویں بھارت چناؤ کمیشن غی ہدایات ور عمل کریں۔

DC Rajouri

ڈپٹی کمشنر راجو ری اوم پر کا ش بھگت غی قیا دت مانہ کل ضلع سطحی کو
رڈنیشن کمیٹی غی میٹنگ منعقد ہوئی۔ میٹنگ غو مقصد تمباکو غی روک تھام با رے
چل ریا اقدام ور تبادلہ خیال کرنو تھو۔ میٹنگ مانہ گہرائی سنگ نفاذ سہولیات نانہ
سمجھنو تھو۔ اس موقع ور ڈپٹی کمشنر نے تمام متعلقہ محکماں نانہ ہدایت کی جے
ویں تمباکو غی روک تھام بارے قانون ”کو پٹا“ مضبوطی نال عملوویں۔ انہاں نے تمام
متعلقین نانہ کہیو جے ویں لوکاں تے خاصکر نوجواناں نانہ بیدار کرن واسطے نمایاں
کردار ادا کریں۔

Mission Shakti

سو روزہ کلینڈر سرگرمیاں غا اک حصہ غا طو ر ایم ڈی مشن شکتی برویندر کو ر نے
چندر کو ٹ مانہ جنسی تناسب غا سلسلہ مانہ اک اجلا س غو انعقاد کیو۔ سماجی
بہبود محکمہ رام بن غے تحت منعقد ہون آلا اس پروگرام غو مقصد جنسی تناسب با
رے بیداری عام کرنو اور صنفی مساوات نانہ بابدو دینو ہے۔ پروگرام مانہ مقامی
کالسریاں تے بچاں نے سرگرمی نال حصو لیو۔

Interaction Nomads

شمالی پیر پنجال علاقہ مانہ خانہ بدوش گجر بکروال لوک لگاتار مشکلات غو سامنو
کر ریا ہیں۔ اس سلسلہ مانہ فوج نے ان لوکاں سنگ گل کی تا نجے ان غی پریشانیاں
با رے پتو لایو جا سکے۔ نالے تمام ممکنہ امداد مہیا کرائی جا سکے۔ اس ضمن مانہ
فوج نے دنڈیال ڈھوک پونچھ غا خانہ بدوش بسنیکاں نال گل کی۔ فوج نے مقامی
لوکاں نانہ مفت دوائیں وی تقسیم کیں۔

Youth Empowerment

نوجواناں غی با اختیاری با رے فوج نے ضلع پونچھ غا بحرام گلی گراں مانہ اک اجلا
س غو انعقاد کیو۔ پروگرام غو مقصد نوجواناں تے مقامی لوکاں مانہ سرکار غی

طرفوں چلائی گئیں بکھ بکھ روزگا ر سکیمان با رے بیداری عام کرنو تھو۔ اس موقعہ و
ر فوج غا افسراں نے مقامی لوکاں سنگ خطاب کیو۔

IMD

محکمہ موسمیات نے اج جموں کشمیر تے پنجاب مانہہ کئیں تھاریں با رش غی
پیشنگو ئی کی ہے۔ محکمہ نے کہیو ہے جے اسے طرح غی صورتحال کئیں جگہیں
برقرار رہ گی۔ جن مانہہ جموں کشمیر، بماچل پر دیش، اُتراکھنڈ،
اُترپردیش، راجستھان، سب بمالین، مغربی بنگال تے شمال مشرقی بھارت شامل ہے۔
محکمہ نے کہیو ہے جے اج مدھیہ مہا راشٹر کونکن تے گواہ مانہہ انتہائی پہاری با
رش ہو سکے۔ قابل ذکر ہے جے مُلک غا زیا دہ تر حصاں مانہہ ہفتہ غے دوران ہلکی تیں
درمیانہ درجہ غی با رش تے گرج چمک غو امکان ہے۔

اس غے نال ہی خبراں غو یوہ بلیٹن ختم ہوؤ۔